

Broj: 04- 02/2-197/26 SS
Sarajevo, 19.01.2026. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BiH
DOM NARODA**

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

20-01-2026

Primijeno:			
Org. jed.	Broj	Priloga	Vrijednost
052	-02-	46	/25

Predmet: Odgovor na upit koji je postavio g-din Damir Šišić,
delegat u Domu naroda Parlamenta Federacije BiH, **dostavlja se**

Poštovani,

U vezi Vašeg akta koji se odnosi na obračun penzije pripadnicima boračke populacije, odgovaramo kako slijedi:

Članom 43. Zakona o penzijskom i invalidskom osiguranju („Službene novine Federacije BiH“, br. 13/18, 90/21, 19/22, 47/24 i 19/25), propisano je da se visina starosne penzije određuje tako što se lični bodovi osiguranika pomnože sa vrijednošću općeg boda na dan ostvarivanja prava.

Nadalje, Član 44. propisani su lični bodovi osiguranika, kako slijedi:

- (1) Ukupni lični bodovi osiguranika utvrđuju se kao zbir ličnih bodova na osnovu staža osiguranja i ličnih bodova na osnovu posebnog staža iz stava (5) ovog člana.
- (2) Lični bodovi na osnovu staža osiguranja dobiju se množenjem ličnog koeficijenta osiguranika i njegovog staža osiguranja.
- (3) Za određivanje ličnih bodova osiguranika, penzijski staž može iznositi i više od 40 godina.
- (4) Radi određivanja ličnih bodova osiguranika, penzijski staž se iskazuje brojčano, a utvrđuje se tako da se svaka godina računa kao 1, svaki mjesec kao 0,083333, a svaki dan kao 0,002777.
- (5) **Licima iz člana 36. ovog zakona, prilikom izračuna penzije po ovom zakonu, lični bodovi za svaku godinu posebnog staža iznose 1 bod, za priznatu punu godinu ostvarenog posebnog staža, za svaki mjesec iznose 0,083332 boda, a za svaki dan iznose 0,002777 boda.**
- (6) Kao jedan mjesec, u skladu sa st. (3), (4) i (5) ovog člana, računa se 30 dana.

Imajući u vidu naprijed navedeno, te uzimajući u obzir navode Vašeg upita u konkretnom slučaju za pripadnika boračke populacije koji ima 33 godine staža osiguranja i 7 godina posebnog staža, primjenjujući vrijednost općeg boda koji je važio u 2025. godini, formula bi bila sljedeća: 33×1 bod iznosi 33 boda, plus 7 godina

posebnog staža x 1 bod jednako je 7 bodova. Znači ukupno 40 bodova x 22,65 KM = 906 KM.

Također, za osobu koja ima 40 godina staža osiguranja, primjenjujući vrijednost općeg boda koji je važio u 2025. godini, formula bi bila: 40 x 1 bod = 40 bodova, 40 x 22,65 KM = 906 KM.

Napominjemo, da kada je u pitanju Zakon o izmjenama i dopuni Zakona o penzijskom i invalidskom osiguranju, koji se nalazi u parlamentarnog proceduri, istim nisu obuhvaćene odredbe člana 44. koje se odnose na lične bodove osiguranika.

To praktično znači da će i poslije novih izmjena i dopune Zakona o penzijskom i invalidskom osiguranju, biti isti način utvrđivanja ukupnih ličnih bodova u konkretnim situacijama za koje pitate (isti iznos penzije 906 KM).

S poštovanjem,

